

Na osnovu Zakona o igrama na sreću (“Sl. novine FBiH”, br. 48/2015 i 60/2015), Pravilnika o sadržaju pravila, uslovima i načinu privređivanja nagradnih igara (“Sl. novine FBiH”, br. 30/2016, 63/2019, 92/2020 i 12/2022) i Zakona o igrama na sreću („Sl. glasnik Brčko distrikta BiH“, br. 6/2022 i 24/2022), te u skladu sa Rješenjem UP-05-12-1-1172/23 od 08.11.2023. godine, izdatim od strane Federalnog ministarstva finansija, te Rješenjem UP-1-14-7-04.3-8367/23 od 15.11.2023.godine Društvo Oslobođenje servisi d.o.o., objavljuje:

PRAVILA NAGRADNE IGRE

I UVODNE ODREDBE

Član 1.

Ovim Pravilima Organizator na teritoriji Federacije Bosne i Hercegovine i na teritoriji Brčko distrikta organizuje nagradnu igru pod nazivom: “Dječiju štampu čitaj i osvoji vrijedne nagrade” a u svrhu promocija izdanja dječije štampe i to: Kolibrić, Vesela sveska, Vesela sveska- Sveznalica i Male novine.

Ova Pravila sadrže odredbe koje se odnose na Orgaznizatora nagradne igre, način organizovanja nagradne igre, nagradni fond, uslove za učešće, način obavještanja učesnika u nagradnoj igri, odgovornost organizatora prema učesnicima nagradne igre, kao i druga pitanja od značaja za organizovanje nagradne igre u robi i uslugama.

Organizator nagradne igre je društvo Oslobođenje servisi d.o.o. sa sjedištem na adresi Bistrik 9, ID broj 4202263820009.

II. PODRUČJE ORGANIZACIJE I PROVOĐENJA NAGRADNE IGRE

Član 2.

Nagradna igra organizira se i provodi na cjelokupnom području Federacije Bosne i Hercegovine i Brčko distrikta Bosne i Hercegovine.

III. TRAJANJE I NAČIN SUDJELOVANJA

Član 3

Nagradna igra traje od 17.11.2023. godine objavljivanjem prvog nagradnog kupona, a završava se objavljivanjem posljednjeg nagradnog kupona 19 aprila 2024. godine.

U nagradnoj igri pravo učešća imaju sve fizičke osobe s prebivalištem u Federaciji Bosne i Hercegovini i Brčko distriktu Bosne i Hercegovine koje u periodu trajanja nagradne igre kupe dječija izdanja i to: Kolibrić, Vesela sveska, Vesela sveska- Sveznalica i Male novine.

Učestvovanje u nagradnoj igri ostvaruje se kupovinom gore navedenih dječijih izdanja sa nagradnim kuponom (u daljem tekstu: kupon). Kako bi ostvarili pravo na učestvovanje u nagradnoj igri učesnici moraju u periodu od novembra do aprila skupiti ukupno 6 (šest) kupona koji će se nalaziti u dječijim izdanjima koja izlaze na mjesečnom nivou. Nakon što skupe šest kupona iz dječijih izdanja iste će kovertama slati na adresu Organizatora: Bistrik 9, Sarajevo.

Kuponi će biti numerisani brojevima od 1-6. Iz svakog izdanja koje bude objavljeno na mjesečnom nivou moguće je iskoristiti samo jedan kupon.

Sva fizička lica, državljani FBiH i Brčko distrikta BiH, sa stalnim prebivalištem u istim imaju pravo da učestvuju u Nagradnoj igri, izuzev lica zaposlenih kod organizatora, marketinških agencija koje je organizator angažovao u promociji Nagradne igre, lica sa kojim organizator ima zaključen, ugovor o djelu ili ugovor o autorskom djelu, kao i članovi njihovih porodičnih domaćinstava(supružnici, djeca, te roditelji i rođena braća i sestre ukoliko sa njima žive u zajednici).

Ukoliko je dobitnik nagrade maloljetnik ili lice lišeno poslovne sposobnosti, nagradu će za njega i u njegovo ime primiti zakonski zastupnik, nakon potpisivanja izjave kojom se Organizator oslobađa svake odgovornosti koja može nastati u vezi dodjeljivanja nagrade, kao i plaćanja štete ili zahtjeva ma kakve prirode u vezi sa tim. Svojstvo zastupnika se dokazuju važećom originalnom dokumentacijom (Izvod iz matične knjige rođenih ili Odluka o starateljstvu).

Organizator zadržava pravo da, po sopstvenom nahođenju, izvrši mjere provjere gore navedenih činjenica.

Pravna lica ne mogu učestvovati, niti ostvarivati pravo na nagradu u nagradnoj igri.

Učešćem u nagradnoj igri svi učesnici prihvataju njena pravila.

IV. NAGRADNI FOND

Član 4

Nagradni fond sastoji se od tri (3) glavne nagrade i utješnih nagrada.

Glavne nagrade su:

- 1 Play Station 5 (glavna nagrada)
- 3x romobil Micro sprite led
- 2 x Samsung tableti Samsung galaksi TAB A7

Vrijednost nagradnog fonda glavnih nagrada izražen u KM jeste kako slijedi:

NAGRADA	BROJ NAGRADA	VRIJEDNOST POJEDINAČNE NAGRADA SA PDV-OM	CIJENA – UKUPNO SA PDV-om
Play Station 5	1	1.049,00	1.049,00
Romobil Micro sprite led	3	239,00	717,00
Samsung galaksi TAB A7	2	298,98	597,96

Ukupna vrijednost nagradnog fonda glavnih nagrada sa PDV om iznosi: 2. 363,96 KM

Utješne nagrade su:

NAGRADA	BROJ NAGRADA	VRIJEDNOST POJEDINAČNE NAGRADA SA PDV-OM	CIJENA – UKUPNO SA PDV-om
BuBu medvjedić	3	79,90	239,70
Upside Down Challenge društvena igra	1	49,90	49,90
WIS: WISSPER INTERAKTIVNA LUTKA	3	65,89	197,67
ZURU: SMASHERS - DINO ISLAND GIANT SKULL S1	2	109,90	219,80
COM: COCOMELON - DRVENA IGRA DOMINO	1	20,23	20,23
COM: COCOMELON - PUZZLE SAT- PODNE PUZZLE	4	24,90	99,60
Indoor Boredom Box	5	69,90	349,50
Plus - Plus - Vatrogasni set	5	59,89	299,45
Plus - Plus - Nauči izgraditi ABC and 123 600	5	59,89	299,45
Plus - Plus - Puzzle Leptir	5	59,89	299,45
WANGE POWER MACHINERY CAR 4 IN 1 (216 BRICKS)	3	79,90	239,70
GLOBUS TECHNODIDACTICA F25 CM ZOO SVETLEĆI	2	69,90	139,80
GLOBUS TECNODIDACTICA F25 CM NOĆ I DAN SVJETLEĆI	1	69,90	69,90
01 ZAŠTO sam ja ČOVJEK?	5	7,90	39,50
02 ZAŠTO moje tijelo NE izgleda kao tvoje?	5	7,90	39,50
03 ZAŠTO volimo ŽVOTINJE?	5	7,90	39,50
04 ZAŠTO NE poznajemo sav ŽVOTINJSKI SVIJET?	5	7,90	39,50
05 ZAŠTO je ZEMLJA tako posebna?	5	7,90	39,50
06 ZAŠTO NE osjetimo da se NAŠ PLANET kreće?	5	7,90	39,50
07 Zašto nas fascinira SVEMIR?	5	7,90	39,50
08 ZAŠTO NE puutujemo u druge GALAKTIKE?	5	7,90	39,50
09 ZAŠTO nam je potrebna TEHNOLOGIJA?	5	7,90	39,50
10 ZAŠTO nas STROJEVI NE mogu zamijeniti?	5	7,90	39,50
11 ZAŠTO nam je važna POVJEST?	5	7,90	39,50
12 ZAŠTO NE znamo SVE O PROŠLOSTI?	5	7,90	39,50

Nagrade numerisane od 1 do 12 se odnose na knjige.

Ukupna vrijednost nagradnog fonda utješnih nagrada sa PDV om iznosi: 2.998,15 KM
UKUPNA VRIJEDNOST NAGRADNOG FONDA (glavne i utješne nagrade) iznosi 5.362,11 KM.

Nagradni fond čini roba.

Broj nagrada je ograničen i ni u kom slučaju neće biti dodjeljeno više nagrada od broja predviđenog ovim pravilima.

U slučaju da se u nagradnu igru uključi manje učesnika od broja nagrada koje su predviđene nagradnim fondom, dodijeliti će se onoliko nagrada koliko je učesnika ostvarilo dobitak, “a Organizator je dužan postupiti sa nagradnim fondom sukladno članu 11. Pravilnika o sadržaju pravila, uslovima i načinu priređivanja nagradnih igara.”

V. NAČIN IZVLAČENJA I OBJAVLJIVANJA DOBITNIKA NAGRADA

Član 5

Osobe koje ispunе uslove za sudjelovanje u Nagradnoj igri, ostvaruju pravo da učestvuju u nagradnom izvlačenju.

Izvlačenje dobitnika Nagradne igre održat će se dana 15. maja 2024. godine u prostorijama Organizatora u 12.00 sati, uz nadzor tročlane Komisije (dalje u tekstu „Komisija“) i uz sačinjavanje video zapisa cijelog izvlačenja.

Za svaku od navedenih glavnih nagrada izvlačit će se glavni dobitnik i 2 rezervna dobitnika, ali tek nakon što svi dobitnici i glavnih i utješnih nagrada budu izvučeni.

O ishodu utvrđivanja dobitnika vodi se zapisnik koji mora sadržavati: mjesto i vrijeme utvrđivanja dobitnika, način izvlačenja i utvrđivanja dobitnika, broj i datum odobrenja nagradne igre, datum i naziv dnevnog lista u kome su objavljena pravila nagradne igre, imena i prezimena predsjednika i članova komisije, ime, prezime, adresa i telefonski broj, te naziv i vrijednost nagrade pojedinog dobitnika.

Nadzor nad sprovođenjem postupka utvrđivanja dobitnika nagradne igre sprovodi komisija od tri člana, i to:

- Dva predstavnika organizatora
- Diplomirani pravnik

Zapisnik o ishodu utvrđivanja dobitnika ima službeno i obavezujuće značenje za sva lica koja su učestvovala u Nagradnoj igri. Rezultati igre biti će objavljeni u dnevnim novinama Oslobođenje i na web stranici Organizatora www.oslobodjenje.ba u roku od 8 dana od dana izvlačenja nagrada.

Član 6

Rezultati dodjele nagrada su konačni. Ako su glavni dobitnici naveli nepotpune ili netačne podatke ili/i ne može ih se obavijestiti i/ili se utvrdi da nisu ispunili sve uvjete za sudjelovanje u Nagradnoj igri, pristupa se dodjeli nagrada rezervnim dobitnicima nagrada. Ukoliko su i rezervni dobitnici naveli nepotpune ili netačne podatke ili/i ne može ih se obavijestiti i/ili se utvrdi da nisu ispunili sve uvjete za sudjelovanje u Nagradnoj igri, Organizator zadržava pravo ne dodijeliti nagradu istima.

Shodno gore navedenom, Organizator je dužan postupiti sa nagradnim fondom sukladno članu 11. Pravilnika o sadržaju pravila, uslovima i načinu priređivanja nagradnih igara.

VI. OGRANIČENJA

Član 7

Radnici Organizatora, osobe koje su izravno uključene u pripremu Nagradne igre ili izvlačenje dobitnika, te ostale osobe koje imaju pristup podacima vezanim za Nagradnu igru ne mogu sudjelovati u Nagradnoj igri.

Jedan učesnik može osvojiti samo jednu nagradu u Nagradnoj igri.

Potpisivanjem Zapisnika/Saglasnosti o preuzimanju nagrade od strane dobitnika, prestaju sve obaveze Organizatora prema tom dobitniku u Nagradnoj igri.

Niti jedna nagrada predviđena Nagradnom igrom se ne može zamijeniti za novac, drugu nagradu, robu ili uslugu.

VII. OBAVJEŠTENJE DOBITNIKA, ROK I MJESTO PREUZIMANJA NAGRADA

Član 8

Dobitnici nagrada će o rezultatima Nagradne igre biti obaviješteni u roku od 8 dana od izvlačenja dobitnika.Dobitnici su dužni preuzeti osvojene nagrade najkasnije u roku od 30 dana od dana prijema obavijesti o osvojenoj nagradi. Nakon isteka roka dobitnik gubi pravo na nagradu, u kojem slučaju će ista biti dodijeljena rezervnom dobitniku.

Dobitnici nagrada će telefonskim putem biti obaviješteni o načinu i mjestu preuzimanja nagrada.

Korisnik koji bude izvučen kao dobitnik će biti lično kontaktiran, te će mu biti omogućeno da potpiše Saglasnost o korištenju ličnih podataka u nagradnoj igri u smislu odredbi člana 13 ovih Pravila Pri preuzimanju nagrada dobitnik odnosno osoba koju dobitnik na to ovlasti specijalnim punomoćjem, potpisuju izjavu o preuzimanju nagrade čime prestaju sve dalje obaveze priređivača nagradne igre prema dobitniku, a sve u skladu sa pozitivnim propisima.

Kod preuzimanja nagrade dobitnik je dužan potvrditi svoj identitet svojom ličnom kartom.

Organizator ne snosi troškove preuzimanja nagrada.

Osvojenu nagradu dobitnik ne može da prenese na drugo lice, te shodno tome ako iz bilo kog razloga dobitnik glavne nagrade nije u mogućnosti da istu iskoristi onda će se glavna nagrada dodijeliti slijedećem rezervnom dobitniku.

Osvojenu nagradu dobitnik kod priređivača ne može zamijeniti za novčanu protuvrijednost niti za bilo koju drugu nagradu.

U slučaju da priređavač iz registriranih podataka ne bude u mogućnosti kontaktirati glavnog dobitnika, ili isti bude diskvalificiran ili odbije da primi nagradu iz bilo kojih razloga, nagrada će se dodijeliti slijedećem rezervnom dobitniku.

VIII. USLOVI PREKIDA I OTKAZA NAGRADNE IGRE

Član 9

Organizator će prekinuti ili otkazati Nagradnu igru u slučaju da prije ili u periodu trajanja Nagradne igre nastupe okolnosti sakarakterom više sile, odnosno one okolnosti koje Organizator ne može predvidjeti, niti otkloniti, a takve okolnosti imaju ili bi mogle imati negativan utjecaj na poslovanje Organizatora.

U slučaju ovakvih okolnosti, Organizator će putem dnevnih novina obavijestiti učesnike, uz prethodnu saglasnost nadležnog organa, o prekidu Nagradne igre.

Ukoliko nagradni fond, nije nakon završetka nagradne igre podijeljen učesnicima na način predviđen Pravilima igre (uslijed isteka roka za podizanje nagrada, nepostojanje dovoljnog broja učesnika i sl.) ili zbog eventualnog prekida odnosno otkazivanja igre uslijed djelovanja okolnosti koje imaju karakter više sile, priređivač je dužan nagradni fond prodati, a sredstva ostvarena prodajom uplatiti ravnomjerno na račune humanitarnih organizacija iz člana 17. stav 1. Zakona.

Član 10

Organizator se obavezuje da umjesto dobitnika plati porez na dobitke od igara na sreću, u skladu sa Zakonom o porezu na dohodak građana.

Član 11

Svi učesnici će biti upoznati s Pravilima nagradne igre putem web stranice Organizatora i dnevnih novina u kojima će Pravilabiti objavljena. Sudjelovanjem u Nagradnoj igri učesnici prihvataju pravila i obaveze iz ovih Pravila.

Član 12

Učestovanjem u nagradnoj igri svaki učesnik prihvata prava i obaveze iz ovih Pravila, s tim da dobitnik nagrade takođe pristaje:

- da se njihovi podaci o ličnosti koji su dostupni organizatoru čuvaju u skladu sa Zakonom o zaštiti ličnih podataka i da isti mogu biti korišteni samo u marketinške svrhe priređivanja nagradne igre isključivo uz njihovu prethodnu saglasnost shodno članu 5. Zakona o zaštiti ličnih podataka (Objavljeno u “Sl. glasnik BiH”, br. 49 od 27 juna 2006, 76/11, 89/11)
- da se njihovo ime javno objavi u skladu sa pozitivnim propisima,

- da se njihovi lični podaci: ime, prezime, slika i video materijal, mogu od strane organizatora koristiti na način da se objave u štampanom, zvučnom, slikovnom i video materijalu bez naknade, a isključivo u svrhe priređivanja ove nagradne igre i isključivo uz njihovu prethodnu saglasnost shodno članu 5 Zakona o zaštiti ličnih podataka (Objavljeno u “Sl. glasnik BiH”, br. 49 od 27 juna 2006, 76/11, 89/11)

Učesnici i dobitnici u ovoj nagradnoj igri saglasni su da je sav gore pomenuti materijal vlasništvo organizatora, te se obavezuju da će se uzdržati od bilo kakvih postupaka prema priređivaču po osnovu prava korištenja i/ili vlasništva navedenog materijala.

Organizator garantuje da će se prilikom organizovanja nagradne igre, u svemu pridržavati navedenih Pravila i zakonskih propisa.

Organizator zadržava pravo da diskvalifikuje učesnike koji ne poštuju pravila.

Organizator garantuje da će dobitnicima dodijeliti nagrade, te da iste ni u kom slučaju ne mogu biti zamjenjene za novac.

Organizator neće snositi odgovornost za eventualno pretrpljenu materijalnu ili nematerijalnu štetu, koji nastanu kao posljedica učestovanja u nagradnoj igri i osvajanja nagrade, izuzev odgovornosti koja se ne može zakonski izuzeti.

Član 13

Organizator preuzima odgovornost da pravovremeno i tačno informiše učesnika u nagradnoj igri o njegovim pravima i obavezama kod preuzimanja nagrada.

Svi zahtjevi za dodjelu nagrade koje priređivač bude primio nakon isteka roka trajanja nagradne igre ili rokova za ostvarivanje pojedinih prava predviđenih ovim Pravilima neće se razmatrati, niti će na osnovu tih zahtjeva učesnik-igrač ostvarivati bilo kakva prava prema priređivaču.

Učesnici koji učestvuju u nagradnoj igri nemaju pravo da zahtjevaju drugačiju nagradu ili nagrade u većim količinama od onih koje su navedene u ovim Pravilima.

Troškove organizovanja nagradne igre snosi Organizator.

Sve sporove koji eventualno nastanu u vezi sa ovim Pravilima strane će prvenstveno nastojati riješiti sporazumno, aukoliko to ne bude moguće, određuje se mjesna nadležnost stvarno nadležnog suda prema sjedištu Organizatora.

Sve žalbe, prigovore i reklamacije rješava organizator nagradne igre. U slučaju opravdanih pritužbi, organizator se obavezuje da će ih otkloniti u najkraćem mogućem roku i obavijestiti učesnika.”

Član 14

Ova pravila se primjenjuju po dobijanju suglasnosti Federalnog ministarstva finansija i Direkcije za finansije Brčko distrikta Bosne i Hercegovine.